

# Cumbat per la selecziun als campiunadis mundials

Toni Livers e Patrick Mächler ella lutga per in plaz da partenza als campiunadis mundials

DA GIUSEP VENZIN

■ **Toni Livers da Trun ei dumengia favorit a Sedrun al 16avel Maraton dalla Surselva. Ses concurrents ein denton era da vaglia. Cun Patrik Mächler ei siu davos concurrent per in plaz da partenza als campiunadis mundials ad Oberstdorf medemamein a Sedrun.** Cuort suenter il Maraton dalla Surselva ha liug a Reith im Winkel en Tiaratudestga la davosa cuorsa da qualificaziun. Livers ha dumignau Mächler ellas davosas cuoras e cun il tschunavel rang als campiunadis mundials U23 ha el danovamein giu avon otg dis in punct culminont en sia carriera. Ellas cuorsas dil december ei Mächler staus pli fermes, actualmein ei Livers quei. Mächler ei endisch onns pli vegls che Livers ed ei in bien tacticher.

## Leonardi ni Bachmann?

Ella categoria dils umens ei era *Thomas Frei* da Flem da quintar denter ils favorits. Igl onn vargau ha Frei gudignau la cuorsa a Sedrun. Alla fin ha negin pudiu tener. Culla arrivada enamiez il vitg ei il final fetg stufis, pli pli va ei ensi. Frei ei commember dil cader grischun da seniors e sco el ha detg dacuort, vul el era restar quei vinavon. Il curriker da 24 onns viva dapi treis onns a Tavau. El separticipescha sporadicamein a cuorsas dil cup mundial, la davosa gada ei quei stau miez schaner a Nove Mesto en Tschechia. Per la qualificaziun als cam-

**Al 16avel Maraton dalla Surselva ein dumengia proxima ina entira roscha dils meglers curriders svizzers alla partenza.**

FOTO G. VENZIN



piunadis mundials tonschan sias prestaziuns denton buca. Da raschun vegnan mo quater Svizzers delegai ad Oberstdorf ellas disciplinas liungas.

Ella categoria dallas damas ein *Natasia Leonardi* da Puschlav e *Flurina*

*Bachmann* da Puntraschigna las favoritas dalla dumengia a Sedrun. Ina mурdi da d'in reischen ha caschunau ina infecziun e Leonardi ei aunc adina buca serevegnida diltut. Problems culla sanadad ha era Flurina Bachmann giu la stad var-

gada. Ina embolia dil lom ha bunamein sfurzau ella da far fin cun sport da prestaziun. Ella ei denton serevegnida e gudignau el sprint dil cup mundial a Berna puncts. Dacuort ha Bachmann era gudignau al campiunadi grischun. Ella

ei segir da favorisar ella concurrenza dil sprint la sonda sera.

## Il spitachel dalla sonda sera

«Il sprint a Sedrun ei enzatgei tut special», quei di *Eligius Tambornino* da Trun. El ei daventaus igl onn vargau tierz el sprint dils campiunadis svizzers dils juniors e dacuort eis el staus el sprint a S. Gagl tierz. Ella concurrenza culla elita vegn el ualti tgunsch a trer la cuorta sonda sera, mo el di: «Cuorer avon in tal publicum ei bellezza.» Il favorit dil sprint ei *Christoph Eigenmann* dil Toggenburg. El ei 13avel el classament da sprint dil cup mundial. Treis gadas ha el gudignau a Sedrun il sprint. Alla tscherca da curriders pil sprint ein il schef dil comite d'organisasiun *Gabriel Pally* ed il caucorsa *Hans Decurtins* stai ier sera a Puntraschigna. «Ina curridra dalla Tiaratudestga ei silla gliesta da giavischs», ha Pally manegiau.

La fin d'jamna da cuorsa liunga a Sedrun entscheiva culla cuorsa dils giuvenils. Alla cuorsa dil maraton datti uonn in novum, il «Surselva mini». Ils curriders da quella categoria cun partenza allas 11.04 cuoran ina runda da 12,5 km, ils ulteriurs duas rundas.

**La fin d'jamna a Sedrun**  
**Sonda: 15.00 Cuorsa da giuvenils; 18.00 Presentaziun dils curriders dil sprint; 15.18: Qualificaziun; 18.45: Final**  
**Dumengia: 07.30 tochen 10.00: Repartiziun dallas numeras ella casa da scola; 11.00: Partenza; 13.20: Rangaziun.**

# Cun skis e snowboard en novas giaccas

■ (lq) Ils 40 affons dalla organizaziun da Giuventegna e sport (OG) Breil han retschiert dacuort novas giaccas da skis. Ils giuvenils atlets treneschan en treis gruppas da skis e duas gruppas da snowboard. Cun agid dallas firmas Beer SA Rabiun, Sport Beat Breil/Flem e la Garascha Cathomas Tavanasa/Glion eis ei stau pusseivel da cumprar las bellezia giaccas ellas colurs blau-mellen. Il Club da skis e snowboard Breil engrazia pil sustegn.



**Ils 40 giuvenils dil Club da skis e snowboard Breil han surevgniu dacuort novas giaccas da trenament.**

MAD

## ARRANSCHAMENTS

Gievgia, 27-1-2005

**Breil:** 13.15 sper la fontauna dil vitg/cadruvi: Viseta dil vitg e dallas capluttas cun Maria Carigiet.

20.00 cuors da basa cun skis da telemarc. Scola per sport da neiv BVA.

**Laax:** 17.00-18.30 program da gaudi per affons: Kino d'affons en Casa Veglia.

**Mustér:** Siemis e steilas, viandar cun calzera da neiv cun guid. Pendicularas.

**Rueun:** 20.00 referat davart «spazi vital – spazi da viver» dil survigilader da catscha Christian Siegenthaler, sco era davart la tschoccadad da camutschs dil biolog Marco Giacometti en halla da gimnastica. Secziun da catschadurs dalla Surselva.

**Surcuolm:** 10.15 di da fuffernadi da snowboard a Valata. Scola da skis Mundaun.

**Sursaissa:** 16.30-18.00 animaziun d'affons: Bischus – fatgs sez. Biro da traffic. 19.00 trer rudialas sin glatsch a Misnenga.

**Vella:** 10.00 di da fuffernadi da snowboard. Scola da skis Val Lumnezia.

reclama

Lecturas e lecturs da gasettas èn bain infurmads!

7000 CHUR Tel. 081 284 15 35  
 9471 BUCHS Tel. 081 750 55 50  
 www.niki.ch

**JETZT ZUGREIFEN!**

Über 200 qm Fundgrube. Viele stark reduzierte Einzelstücke ab Ausstellung

**niki's**



**möbelhalle**

Qualität zu kleinen Preisen

**SONDERVERKAUF**